

LIVÍ DE COMPETËNZA EUROPEICS - GRILIA POR L'AUTOVALUTAZIUN

		A1	A2	B1	B2	C1	C2
CAPI	Ascuté sô	I capësci parores conosciüdes y frases scëmples, che á da nen fá cun me, mia familia o cun cosses concretes incër me ia, tan inant che al végn baié plan y a na manira tlera.	I capësci frases singoles y les parores che végn adorades plü sovënz sce ara nen vá de cosses importantes por me (por ej. informaziuns dër scëmples sôn la porsona y la familia, le cumpré ite, le laur, la contrada incëria). I capësci les perts plü importantes de informaziuns y comunicaziuns cõrtas, tleres y scëmples.	I capësci i punc prinzipai sce al végn adoré n lingaz standard tler y sce ara nen vá de cosses conosciüdes dl laur, dla scora, dl tãmp lãde y i.i. Pro trõpes trasmisciuns dl radio y dla televijiun sôn avnimënc atuai y tematiches che á da nen fá cun mi laur y mi interesc capësci les informaziuns plü importantes, sce al végn baié relativamënter plan y a na manira tlera.	I capësci intervënc y referac plü lunc y ince argomentaziuns plü complesses, sce i conësci valgama la tematica. I capësci la maiú pert des notizies y di reportaji d'atualité tla televijiun. I capësci la maiú pert di films, tan inant che al végn adoré n lingaz standard.	I capësci discursc plü lunc, ince sce ai n'é nia strotorá a na manira tlera y sce le discursc ne taca nia adõm o sce i coliamënc ne végn nia portá dant a na manira esplizita. I me feji saurí da capi rasmisciuns tla televijiun y films.	I ne me stënti nët nia da capí le lingaz baié, belanfát sce dal vi o ti media, ince sce al végn baié debota. I á ma debojëgn de n pü' de tãmp por m'ausé a n cer azënt.
	Lí	I capësci inoms y parores conosciüdes y frases dër scëmples, por ej. sôn tofles, placac o te catalogs.	I sá da lí tesé cõrc y scëmpli. I sá da cialé sô da tesé da vigni de scëmpli (por ej. avisc, prospec, chertes dl menü o orars de ferates y corieres) informaziuns concretes y da preodëi y i capësci lëtres personales cõrtas y scëmples.	I capësci i tesé olache al végn dant dantadõt n lingaz da vigni de y dl laur. I capësci lëtres privates olache ara nen vá de avnimënc, sentimënc y dejiders.	I sá da lí y capí articui y relaziuns sôn problematiches atuales olache chi che scrí toi ite o rapresentëia na certa posiziun. I capësci tesé de prosa leterara contemporana.	I capësci tesé specifics lunc y complicá y tesé leterai y aldí fora desfarënzies de stil. I capësci articui specialisá y indicaziuns techniches plü lunges, ince sce ares ne fej nia pert de mi ciamp specifich.	I sá da lí zënza problems praticamënter vigni sort de test scrít, ince sce ai é astrac o complesc por ci che reverda le contignü y le lingaz por ej. manuali, articui technics y operes leterares.
BAIÉ	Tó pert a na conversaziun	I sá da me fá capí a na manira scëmpla sce la porsona cun chëra che i baii é a õna da dí val' ciamó n iade plü plan o da le dí atramënter y me dëida formulé ci che i proi da dí. I sá da fá domandes scëmples y da respogne a domandes scëmples, tan inant che al se trata de cosses che vá debojëgn y tematiches dër conosciüdes.	I sá da me fá capí te situaziuns de rutina olache ara nen vá de n barat scëmpl y diret de informaziuns y de tematiches y ativités conosciüdes. I sá da tigní le contat pro na conversaziun cõrta, mo ne capësci normalmënter nia assá por mené la conversaziun.	I ti sun ala maiú pert de situaziuns che an incunta a nivel linguistich sôn le iade. I pó tó pert zënza m'arjigné ca a conversaziuns sôn tematiches che i conësci, che me interessëia personalmënter, che á da nen fá cun me o che se referësc a temesc da vigni de sciõche la familia, i hobby, le laur, i iadi y avnimënc d'atualité.	I sá da baié a na manira tan spontana y fluënta che n discursc cun na porsona che baia le lingaz dla uma garetá dër bun. I pó tó pert ativamënter ala conversaziun te situaziuns conosciüdes y motivé mi punc de odüda y i defëne.	I sá da baié a na manira spontana y fluënta zënza messëi chirí sovënz a na moda da s'intëne do parores. I sá da adoré le lingaz tla vita sociala y profesionala a na manira efiziënta y flessibla. I sá da porté a espresciun mi pinsiers y mies minunghes avisa y colié sciõche al alda mi intervënc cun chi di atrí.	I me feji saurí da tó pert a dõtes les conversaziuns y discusiuns y conësci ince dër bun manires de dí y formes dl lingaz da vigni de. I baii a na manira fluënta y sá da porté avisa a espresciun gradaziuns dl significat dër sitides. Sce i me stënti da dí val' sá da mëte man danü y formulé danü feter zënza che zacai s'intënes.
	Baié te pinsiers che taca adõm	I sá da adoré manires de dí y frases scëmples por descrí porsones che i conësci y por splighé olache i virí.	I sá da cunté cun na linia de frases y mesi scëmpli por ej. de mia familia, de d'atras porsones, de olache i virí o de ci che i á studié y de mi laur.	I sá da baié cun frases scëmples y che taca adõm por descrí mies esperiënzes y avnimënc o mi somi, mies speranzas y mi traverc. I sá da splighé y motivé en cõrt mia minunga y mi plans. I sá da cunté na storia o cunté do ci che sozed te n film o n liber y descrí mies reaziuns.	I sá da presenté a na manira tlera y detaiada trõc temesc che m'interessëia. I sá da porté dant mia posiziun sôn domandes d'atualité y dé dant i vantaji y i desvantaji de de plü posibilités.	I sá da porté dant te dúc i details fac complesc y colié punc tematics un cun l'ater, splighé cer aspec dër avisa y stlü jö mi contribut a na manira adatada.	I sá da porté dant y splighé chestiuns a na manira tlera, fluënta y cun n stil adaté ala situaziun; i sá da strotoré mi discursc a na manira logica a na moda che al sides saurí por che che ascuta sô da reconësce y se recordé i punc plü importanc.
SCRÍ	Scrí	I sá da scrí na cherta postala scëmpla cõrta, por ej. salüic dales vacanzas. I sá da scrí fora formulars por ej. de n hotel olache al é da mëte ite l'inom, la misciun y la nazionalité.	I sá da scrí comunicaziuns cõrtas y scëmples. I sá da scrí na lëttra scëmpla, por ej. por rengrazié de val'.	I sá da scrí de temesc conosciü o che m'interessëia personalmënter tesé saurisc che taca adõm. I sá da scrí lëtres personales y cunté laite de esperiënzes y impresciuns.	I sá da scrí sôn trõc temesc che m'interessëia tesé tlers y detaiá. I sá da scrí te n ressumé o na relaziun informaziuns o argomënc por y contra na certa minunga. I sá da scrí lëtres y stlari laite l'importanza personala de avnimënc y esperiënzes.	I sá da me splighé a na moda tlera y strotorada tl scrít y presenté avisa mi punt d'odüda. I sá da scrí te lëtres, articui o relaziuns sôn tematiches complesses y alzé fora i aspec che i arati ester i plü importanc. I pó chirí fora te mi tesé le stil che i arati plü adaté por chi che lí.	I sá da descrí a na moda fluënta y tlera y cun n stil adaté ala situaziun. I sá da scrí lëtres bindebó ries y relaziuns o articui complesc, olache i porti dant a na moda strotorada bun i fac y dëidi insciõ reconësce y recordé a che che lí i punc importanc. I sá da fá le ressumé de tesé technics o operes leterares y nen baié.